

Մելգոնեան Սանուց Միութիւն - Կիպրոս



Շատ Սիրելի Մելգոնեանցի Քոյրեր եւ Եղբայրներ, Յարգելի Բարեկամներ

Ողջոյններ Կիպրոսի Մելգոնեան Սանուց Միութեան կողմէ

Արդէն տարի մը անցած է այդ ճակատագրական պահէն երբ Լոս Անճելոսի եւ Նիկոսիոյ դատարաններու ատեաններէն լսուեցաւ մեր միացեալ ձայնը՝ պահանջելով արդարութիւն հանդէպ մեր ութսունամեայ Յաստատութեան, որ ոճռային արարքով մը գոհը գնաց փակուելու որոշումին. սակայն մենք՝ մեր կողքին ունենալով Պոլսոյ Պատրիարքը եւ համայն հայութեան միաձայն բողոքի կոչը, համարձակեցանք սխալ որոշումի մը դէմ կենալ ու պայքարիլ մինչեւ վերջին շունչ:

Կը գիտակցիք որ դժուար պայքար մըն է մղուածը, եւ առ այդ շատեր ոչ միայն մեզ այպանեցին այլ նաեւ ցայսօր ոչինչ կը խնայեն մեր վարկը նուաստացնելու համար, մեր միացեալ ուժը բաժնելու համար, յանուն իրենց նիւթապաշտ եւ գրեհիկ նկարագրին, արբեցած իրենց խոստացուած նիւթական յատկացումներէն:

Պահն է այսօր զգաստութեան. պահն է այսօր ալեւս ճանչնալու թէ ո՞վ է մելգոնեանցին. թէ ան, որ երկնակամարին տակ ալ գտնուի, երբեք չի կրնար ուրանալ այն բարիքները որոնք փոխանցուած են իրեն բարերարներու կտակին շնորհիւ, ան երբեք չի կրնար մոռնալ այն շերմ մթնոլորտը որ փոխանցուեցաւ իրեն երբ Մելգոնեանը լոկ պատսպարան մըն էր իրեն համար, ուր դասատուներ եւ վաստակաւոր ղեկավարներ սեր եւ գուրգուրանք ցուցաբերելով «մելգոնեանցի» ըլլալու արժանաւոր տիտղոսը տուին:

Դժբախտաբար մեր մէջ գոյութիւն ունին նաեւ «սեւ ոչխարներ», նոյնիսկ դաւաճաններ, որոնք գլուխ կը խոնարհեն անոնց առաջ որոնք յանդգնեցան ստորագրել 16 Մարտի մահաՎճիռը: Մեր մեծերը մեզի սորվեցուցած են թէ մելգոնեանցի ըլլալ կը նշանակէ նաեւ «ներել» գիտնալ: Այո՛, կը գիտակցիք մեր վեհանձնութեան, պայմանաւ որ մեր դիմաց գտնենք գործակցելու գիտակցութիւնը ունեցող անձեր: Մեր իտեալն է վերականգնել Նոր Մելգոնեանը իր ներկայ վայրի մէջ, որպէս գիշերօթիկ Յաստատութիւն, որ կրկին պիտի կարենայ ապաստանարան մը ըլլալ բոլոր գաղութներէն քաղուած ու ի մի բերած երբևերանգ ծաղկեփունջեր, որոնք թրծուելով վեցամեայ հայեցի դաստիարակութեամբ, նոր եւրոպական միջավայրի մը մէջ եւ ապա վերադառնալով իրենց ծննդավայրերը՝ դառնան մեր վաղուայ փայլու ն ու գիտակից ղեկավարները:

Կեցցեն Աղա Կարապետ եւ Գրիգոր Մելգոնեան անմահ ազգանուէր բարերարները, որոնց տեսիլքն ու առաքելութիւնը փոխանցուեցաւ սերունդէ սերունդ եւ պիտի տենէ դարե դար:

Կեցցեն մելգոնեանցիները, կեցցե՛ մեր պատմական Յաստատութիւնը:

Նիկոսիա, 14 Յունուար, 2006